

ԵՐԵՎԱՆԻ ՔԱՂԱՔԱՊԵՏԻ

2011 ԹՎԱԿԱՆԻ

ԲՅՈՒՋԵՏԱՅԻՆ

ՈՒ Ղ Ե Ր Չ

ՄԱՍ I

Երևանի քաղաքապետի գեկույցը 2011 թվականի Երևան քաղաքի զարգացման հիմնական ուղղությունների մասին

Հաշվի առնելով Երևան քաղաքի զարգացման 2010-2013 թվականների քառամյա ծրագրով նախատեսված գերակայությունները և առկա ռեսուրսները, ընթացիկ տարում արձանագրված ծրագրերի կատարման արդյունքները և զարգացման միտումները, ինչպես նաև հիմք ընդունելով Երևան քաղաքի գլխավոր հատակագծի պահանջները և դրա կատարման վերլուծությունները 2011 թվականին քաղաքի զարգացման հիմնական ուղղությունները միտված են լինելու մայրաքաղաքի ենթակառուցվածքների զարգացմանը, բնակչության կենսապայմանների բարելավմանն ու բարեկեցիկ և հարմարավետ միջավայրի ձևավորմանը, ինչպես նաև գլխավոր հատակագծին համապատասխան քաղաքաշինական ծրագրերի իրականացմանը:

Երևան քաղաքի զարգացման հիմնական ուղղություններն ապահովելու նպատակով 2011 թվականին առաջնահերթ կլինեն՝

1. տնտեսական և քաղաքացիական կյանքին բնակչության մասնակցությունը խթանելը՝ նպատակային տնտեսական և սոցիալական քաղաքականության միջոցով,
2. Երևանի տարածական համաչափ զարգացումը և պլանավորումը հասարակական կյանքի բոլոր ոլորտներում,
3. կառավարման համակարգի բարեփոխումները և տեղական ինքնակառավարման արդյունավետության ապահովումը՝ այդ նպատակով իրավական դաշտի կատարելագործումը, համակեցության և համաքաղաքային կանոնների ընդունումն ու ներդրումը,
4. քաղաքապետարանի կողմից բնակչությանը մատուցվող ծառայությունների պարզեցումը և որակի էական բարձրացումը՝ կառավարման նոր տեխնոլոգիաների ներդրման միջոցով,
5. Երևանի ժամանակակից չափանիշներին համապատասխան արտաքին ձևավորումը՝ ապահովելով շենքերի արտաքին տեսքի կարգաբերումն ու գեղարվեստական լուսավորումը,

6. զբոսաշրջության մարքեթինգային քաղաքականության իրականացումը գովազդատեղեկատվական ապահովման համակարգի զարգացման և կատարելագործման միջոցով,
7. մայրաքաղաքի բնապահպանական իրավիճակի համակարգված բարելավումը,
8. հանրային ծառայությունների հասանելիության աստիճանի բարձրացումը և շարունակականության ապահովումը,
9. աղբահանության, սանմաքրման, կանաչապատման և բարեկարգման, ինչպես նաև բակային տարածքների և խաղահրապարակների նորոգման միջոցառումների շարունակականությունը,
10. վարչական շրջաններում հանգստի գոտիների և զբոսայգիների կառուցումը,
11. մշակութային ժառանգության պահպանությունը և մասսայական սպորտի զարգացումը,
12. կրթական, մարզական և մշակութային օբյեկտների հիմնանորոգման և ջեռուցման համակարգերի կառուցման աշխատանքների շարունակական բնույթի ապահովումը, ինչը կնպաստի ուսման, մշակութային, մարզական կյանքի և անհրաժեշտ ծառայությունների մատուցման մակարդակի էական բարձրացմանը,
13. Երևան քաղաքում ուղևորատար տրանսպորտի զարգացման ռազմավարության ներդրումը,
14. Երևանի քաղաքացիների սոցիալական պաշտպանվածության ապահովումը, այդ նպատակով սոցիալական ծրագրերի իրագործումը՝ ուղղված հաշմանդամներին, ծնողազուրկ երեխաներին, բազմազավակ և անապահով ընտանիքներին ու փախստականներին,
15. քաղաքաշինության հարատև զարգացումը, ներառյալ՝ ներդաշնակ կենսատարածքի ձևավորումը և նպաստումը բնակչության տարածքային համաչափ բաշխվածությանը, քաղաքաշինական ոլորտում գործարար ակտիվության համար բարենպաստ միջավայրի ձևավորումը,
16. առողջապահության առավել արդյունավետ համակարգի ստեղծումը:

ՄԱՍ II
Բացատրագիր-Հիմնավորում
Երևան քաղաքի 2011 թվականի բյուջեի
նախագծի

Երևան քաղաքի 2011 թվականի բյուջեի նախագիծը կազմվել է «Հայաստանի Հանրապետության բյուջետային համակարգի մասին» և «Երևան քաղաքում տեղական ինքնակառավարման մասին» ՀՀ օրենքների պահանջներին համապատասխան, որի ձևավորման հիմքում ընկած են խնայողականությունը, հաշվեկշռվածությունը, արդյունավետությունը, հավաստիությունն ու հստակությունը:

Երևան քաղաքի 2011 թվականի բյուջեն կանխատեսվում է՝

եկամուտների գծով - 55,796,447.9 հազ. դրամ,

ծախսերի գծով - 58,296,447.9 հազ. դրամ,

դեֆիցիտը (պակասուրդը) - 2,500,000.0 հազ. դրամ:

1. Եկամուտների կանխատեսում.

Երևան քաղաքի 2011 թվականի բյուջեի նախագծում (այսուհետ՝ նախագիծ) եկամուտների ընդհանուր գումարը ծրագրվել է 55,796,447.9 հազ. դրամի չափով, ինչը շուրջ 6.7%-ով ավել է Երևան քաղաքի 2010 թվականի բյուջեով (ճշտված) նախատեսված ընդամենը եկամուտներից: Նախագծով նախատեսված եկամուտների ընդհանուր ծավալում սեփական եկամուտները կազմում են 14,281,465.6 հազ. դրամ, ինչը շուրջ 14%-ով ավել է 2010 թվականին նախատեսված համապատասխան ցուցանիշից:

Նախագծով նախատեսված եկամուտների հիմնավորումը և համեմատական վերլուծությունը առավել հստակ կլինի առանձին եկամտատեսակների վերլուծությամբ:

1.1) Հարկեր և տուրքեր.

Հարկային եկամուտները և տուրքերը 2011 թվականի համար նախագծով ծրագրվել են 11,421,305.4 հազ. դրամ նախորդ տարվա 9,949,590.0 հազ. դրամի դիմաց, կամ 14.8%-ով ավել, ինչը ավել է 2009 թվականի փաստացի հավաքագրված ցուցանիշից 2,758,134.3 հազ. դրամով:

ա. Հարկային եկամուտները ծրագրվել են 9,293,205.4 հազ. դրամի չափով կամ 2010 թվականի համար հաստատված (ճշտված) ցուցանիշից 1,147,365.4 հազ. դրամով ավել, որից.

- գույքահարկը նախագծով նախատեսվել է 8,500,800.0 հազ. դրամ կամ 2010 թվականի հաստատված ցուցանիշից և սպասվող կատարողականից 1,054,350.0 հազ. դրամով կամ 14.2%-ով ավել, իսկ 2009 թվականի փաստացի ցուցանիշից 1,816,020.1 հազ. դրամով ավել:

- հողի հարկը ծրագրվել է 792,405.4 հազ. դրամ կամ 2010 թվականի հաստատված ցուցանիշից 93,005.4 հազ. դրամով ավել, իսկ 2009 թվականի փաստացի ցուցանիշից 53%-ով ավել:

2011 թվականի հարկային եկամուտները ծրագրվել են հիմքում ունենալով 2010 թվականի հավաքագրման սպասվող կատարողականը, վարչարարական և հետևողական միջոցառումների իրականացումից ակնկալվող լրացուցիչ մուտքերը: Հարկային եկամուտների կանխատեսվող աճը պայմանավորված է նաև գույքային հարկերի հաշվառման շտեմարանների ամբողջական ճշտումների արդյունքում լրացուցիչ հարկվող օբյեկտների ընդգրկմամբ շտեմարան:

բ. Տեղական տուրքերը 2011 թվականի համար նախագծում ծրագրվել են 1,683,100.0 հազ. դրամի չափով կամ 2010 թվականի հաստատված ցուցանիշից 319,350.0 հազ. դրամով (23.4%-ով) ավել: Նշված ցուցանիշը ավել է 2009 թվականի փաստացի կատարողականից 647,381.3 հազ. դրամով: Տեղական տուրքերի կազմում մեծ տեսակարար կշիռ են կազմում արտաքին գովազդ տեղադրելու թույլտվության համար նախատեսված տուրքը՝ 58.0% (976,000.0 հազ. դրամ՝ նախորդ տարվա համեմատ 25.9% աճ) և ոգելից խմիչքների ու ծխախոտի արտադրանքի վաճառքի համար նախատեսված տուրքը՝ 19.2% (323,500.0 հազ. դրամ՝ նախորդ տարվա համեմատ 34.9% աճ):

Տեղական տուրքերի գծով աճը պայմանավորված է ինչպես տեղական տուրք վճարող տնտեսվարող սուբյեկտների փաստացի գույքագրմամբ, այնպես էլ դրույքաչափերի հատակեցմամբ՝ ըստ գոտիների դասակարգմամբ:

գ. Համայնքի բյուջե վճարվող տեղական տուրքերը 2011 թվականի համար նախագծով ծրագրվել են 445,000.0 հազ. դրամ, որից

- քաղաքացիական կացության ակտեր գրանցելու հետ կապված համապատասխան գործարքներից 65,000.0 հազ. դրամ,

- նոտարական գրասենյակների կողմից նոտարական ծառայությունների հետ կապված համապատասխան գործարքներից՝ 380,000.0 հազ. դրամ:

Հաշվի առնելով նշված եկամտատեսակներով նախորդ տարիների փաստացի կատարողականները և միտումները, 2010 թվականին սպասվող կատարողականը, 2011 թվականի համար պետական տուրքերի գծով նախատեսվել է ընդամենը 5,000.0 հազ. դրամի աճ:

1.2) Պաշտոնական դրամաշնորհներ.

Հիմք ընդունելով ՀՀ Ազգային ժողով ներկայացված 2011 թվականի պետական բյուջեի նախագծով նախատեսված ցուցանիշները՝ նախագծով ծրագրվել է 15,504,900.3 հազ. դրամի չափով պաշտոնական դրամաշնորհներ, որից՝

- ՀՀ պետական բյուջեից ֆինանսական համահարթեցման սկզբունքով տրամադրվող դոտացիաները նախատեսվել են 8,963,633.9 հազ. դրամ կամ 2010 թվականի հաստատված ցուցանիշից 131,794.0 հազ. դրամով պակաս, ինչը պայմանավորված է դոտացիայի հաշվարկման համար հիմք հանդիսացող ՀՀ 2009 թվականի պետական բյուջեի ցուցանիշներով:
- Համայնքի բյուջեի եկամուտները նվազեցնող՝ ՀՀ օրենքների կիրարկման արդյունքում համայնքի բյուջեի եկամուտների կորուստների պետության կողմից փոխհատուցվող գումարները նախատեսվել են 1,654.8 հազ. դրամ՝ 2010 թվականի 62.5 հազ. դրամի դիմաց:
- Պետական բյուջեից ընթացիկ և կապիտալ ծախսերի ֆինանսավորման նպատակային հատկացումների (սուբվենցիաների) գծով նախատեսվել է 6,539,611.6 հազ. դրամ՝ 2010 թվականի ճշտված բյուջեից 132,615.0 հազ. դրամով պակաս, ինչը պայմանավորված է 2010 թվականին ՀՀ կառավարության որոշումներով լրացուցիչ սուբվենցիաների հատկացումներով:

1.3) Այլ եկամուտներ.

2011 թվականին նախագծով այլ եկամուտները ծրագրվել են 28,870,242.2 հազ. դրամ կամ 2010 թվականի նախատեսված ցուցանիշից 2,302,393.5 հազ. դրամով ավել, որից.

- շահաբաժինների գծով՝ 133,600.0 հազ. դրամ՝ հիմք ընդունելով համայնքային կազմակերպությունների ֆինանսական հաշվետվությունների վերլուծությունները և կանխատեսումները,
- համայնքի սեփականություն համարվող հողերի վարձավճարները՝ 555,000.0 հազ. դրամ՝ 2010 թվականին նախատեսված 642,362.0 հազ. դրամի դիմաց՝ հիմք ընդունելով հաշվառման ճշգրտումը, հողի հարկի բազայի հետ համադրումը և 2010 թվականին սպասվող կատարողականը,
- համայնքի վարչական տարածքում գտնվող պետության և համայնքի սեփականությանը պատկանող հողամասերի կառուցապատման իրավունքի դիմաց գանձվող վարձավճարները՝ 25,000.0 հազ. դրամ, ինչը 2010 թվականի բյուջեում նախատեսված չի եղել՝ համապատասխան պայմանագրային բազայի բացակայության պատճառով, ինչն արդեն իսկ ծրագրվել է,

- այլ գույքի վարձակալությունից մուտքեր՝ 160,480.0 հազ. դրամ՝ 2010 թվականի 182,429.9 հազ. դրամի դիմաց՝ հաշվի առնելով սպասվող կատարողականը և վարձակալության պայմանագրերի լուծումը և հաշվառման հստակեցումը,
- համայնքի սեփականություն հանդիսացող ապրանքների վաճառքից մուտքեր՝ 100,000.0 հազ. դրամ՝ 2010 թվականին նախատեսված 20,000.0 հազ. դրամի դիմաց՝ հիմք ընդունելով սպասվող կատարողականը,
- պետության կողմից կրթության, ջրամատակարարման, մետրոպոլիտենի կառավարման, սոցիալական և քաղաքացիական կացության ակտերի գրանցման ծառայությունների գործունեության կազմակերպման ոլորտներում Երևանի քաղաքապետին պատվիրակված լիազորությունների իրականացման ծախսերի ֆինանսավորման համար պետական բյուջեից ստացվող միջոցները նախագծով ծրագրվել են 26,010,082.0 հազ. դրամ՝ 2010 թվականի 23,988,032.3 հազ. դրամի դիմաց՝ հիմք ընդունելով ՀՀ 2011 թվականի պետական բյուջեի նախագծով նախատեսված ցուցանիշները,
- տեղական վճարների գծով 141,900.0 հազ. դրամ՝ 2010 թվականի 71,900.0 հազ. դրամի դիմաց կամ 97.4%-ով ավել՝ հիմք ընդունելով 2010 թվականին սպասվող կատարողական ցուցանիշը,
- ինքնակամ կառուցված շենքերի և շինությունների օրինականացման համար վճարների գծով 200,000.0 հազ. դրամ՝ 2010 թվականի 150,000.0 հազ. դրամի դիմաց՝ հաշվի առնելով սպասվող կատարողականը,
- վարչական իրավախախտումների համար պատասխանատվության միջոցների կիրառումից եկամուտների գծով՝ 108,200.0 հազ. դրամ 2010 թվականի 100,500.0 հազ. դրամի դիմաց,
- օրենքով և իրավական այլ ակտերով սահմանված համայնքի բյուջե մուտքագրման ենթակա այլ եկամուտների գծով 1,435,980.2 հազ. դրամ՝ 2010 թվականին նախատեսված 1,245,624.5 հազ. դրամի դիմաց: Նշված եկամուտները ներառում են ինչպես ՀՀ պետական բյուջեով նախատեսված վարձատրվող հասարակական աշխատանքներ և գյուղատնտեսական կենդանիների պատվաստում ծրագրերով նախատեսվող հատկացումները, այնպես էլ կառուցապատվող տարածքներում հարկայնության յուրաքանչյուր քառակուսի մետրի համար կառուցապատող կազմակերպությունների կողմից վճարման ենթակա պայմանագրային պարտավորությունները: Այս եկամտի գծով 2010 թվականին սպասվում է ցածր կատարողական, սակայն հաշվի առնելով պարտավորությունների գանձման ուղղությամբ ձեռնարկված դատական միջոցառումները եկամուտները ծրագրվել են առկա պարտավորությունների ամբողջ ծավալով:

2. Ծախսերի կանխատեսում.

Երևան քաղաքի 2011 թվականի բյուջեի նախագծով ծախսերի ծավալը ծրագրավորվել է 58,296,447.9 հազ. դրամի չափով: Ծախսերի ամբողջ ծավալի 90.8%-ը կամ 52,940,180.9 հազ. դրամը բաժին է ընկնում ընթացիկ ծախսերին (վարչական բյուջե), 5,356,267.0 հազ. դրամը կամ 9.2% ոչ ֆինանսական ակտիվների գծով **գույտ** ծախսերին (ֆոնդային բյուջե):

Երևան քաղաքի 2011 թվականի բյուջեի նախագծի (այսուհետ՝ նախագիծ) ծախսային մասը ավել է 2010 թվականի ճշտված բյուջեով նախատեսված ծախսային մասից 3,696,071.4 հազ. դրամով, իսկ սկզբնական հաստատվածից 5,450,747.5 հազ. դրամով և կազմվել է ծրագրային սկզբունքների հիման վրա:

Նախագծով առաջարկվող բյուջետային ծախսերի ծավալներում սոցիալական բնագավառի ծախսերի (կրթություն, առողջապահություն, սոցիալական ապահովություն) տեսակարար կշիռը կազմում է 34.3%, շրջակա միջավայրի պաշտպանությանն ուղղված ծախսերին՝ 9.5%, տրանսպորտի բնագավառին (այդ թվում՝ ճանապարհային տրանսպորտի) վերաբերող ծախսերը 34.5%:

Նախագծի վարչական մասում նախատեսվել է պահուստային ֆոնդ 411,603.9 հազ. դրամի չափով, որը կազմում է վարչական եկամուտների 7.38%-ը, որից 2,816,121.0 հազ. դրամ, նախագծով նախատեսվում է հատկացնել ֆոնդային մաս: Ֆոնդային մասով նախատեսվել է 20,000.0 հազ. դրամ չափով պահուստային ֆոնդ, որը կազմում է ֆոնդային եկամուտների 0.7%:

Ստորև ներկայացվում են Երևան քաղաքի 2011 թվականի բյուջեի նախագծով ծրագրավորվող ծախսերի սկզբունքներն ու հիմնավորումները՝ ըստ ծրագրերի

1. Կառավարման մարմնի պահպանում ծրագրով ծախսերը նախագծում ծրագրավորվել են հիմնականում հաշվի առնելով գործող օրենսդրության պահանջները, խորհրդատվական բնույթ կրող նորմատիվները, ինչպես նաև Երևանի քաղաքապետարանի կառուցվածքային և առանձնացված ստորաբաժանումներին վերապահված լիազորությունների լիարժեք և արդյունավետ իրականացման համար դրանց գործունեության առանձնահատկությունները: Այս ծրագրով նախագծում ծախսեր են նախատեսվել 5,166,695.8 հազ. դրամ կամ ընդհանուր ծախսերի 8.9%-ը, ինչը 2010 թվականի հաստատված (ճշտված) ցուցանիշից ավել է 208,916.6 հազ. դրամով, ինչը հիմնականում պայմանավորված է Բյուզանդի 1/3 հասցեի շենքի կեսը քաղաքապետարանի վարչական շենք վերակառուցելու արդյունքում սպասվող լրացուցիչ ծախսերով: Նշված ծրագրով նախատեսված ծախսերում մեծ տեսակարար կշիռ է կազմում աշխատավարձի ֆոնդը 2,663,129.0 հազ. դրամ, ինչը ծրագրավորվել է հիմք ընդունելով 2009 թվականի հաստատված հաստիքացուցակը և աշխատավարձերի բարձրացումներ չեն նախատեսվել: Ֆոնդի 14,605.0

հազ. դրամի չափով ավելացումը 2010 թվականի նկատմամբ պայմանավորված է 2010 թվականին ավագանու որոշմամբ հաստիքացուցակում կատարված փոփոխություններով: Աշխատավարձի ֆոնդի 10%-ի չափով նախատեսվել է նաև պարգևատրման ֆոնդ՝ աշխատողներին խրախուսելու նպատակով: Պարտադիր սոցիալական ապահովության վճարները հաշվարկվել են «Պարտադիր սոցիալական ապահովության վճարների մասին» ՀՀ օրենքի պահանջներին համապատասխան և ծրագրվել են 489,914.3 հազ. դրամի չափով: Էներգետիկ ծառայությունները ներառում են էլեկտրաէներգիայի և ջեռուցման ծախսերը, որոնք հաշվարկվել են նախորդ տարիների փաստացի և 2010 թվականին սպասվող ծախսերի ծավալների միջին ցուցանիշներով և հաստատված ամիսներով: 2010 թվականի սակագների փոփոխությունը առաջացրել է 2011 թվականի ծրագրավորված ցուցանիշների որոշակի աճ: Կոմունալ ծառայությունները ներառում են ջրամատակարարման և ջրահեռացման ինչպես նաև վարչական շենքերի աղբահանման և միջատազերծման հետ կապված ծախսերը և ծրագրվել են 26,534.3 հազ. դրամի չափով: Կապի ծառայությունները հաշվարկվել են 24.08.2007 թվականի «Արմենթել» ՓԲԸ-ի կողմից մատուցվող ծառայությունների սակագների սահմանման մասին» ՀՀ հանրային ծառայությունները կարգավորող հանձնաժողովի հ. 340-Ն որոշման (քաղաքային ցանցի մասով), ինչպես նաև միասնական և լիմիտավորված մոտեցման հիման վրա (հատուկ սակագնային փաթեթով բջջային ցանցի մասով) և ծրագրվել է 182,621.5 հազ. դրամ: Գույքի և սարքավորումների վարձակալությունը ծրագրվել է 142,410.0 հազ. դրամի չափով, որի մեջ հիմնական մասը կազմում է քաղաքապետարանի ծառայողական մեքենաների վարձակալությունը, որն իր հերթին ներառում է նաև դրանց ընթացիկ նորոգումը, վառելիքը, վարորդի տրամադրումը և այլն: Արտասահմանյան գործուղումների գծով ծախսերը պլանավորվել են՝ հիմք ընդունելով ՀՀ կառավարության 2005 թվականի դեկտեմբերի 29-ի «Ծառայողական գործուղման մեկնած աշխատողների գործուղման ծախսերի հատուցման համար կատարվող վճարումների նվազագույն և առավելագույն չափերն ու վճարման կարգը սահմանելու մասին» հ. 2335-Ն որոշմամբ սահմանված նորմերով և նախորդ տարիների փաստացի և 2011 թվականին ծրագրված քանակներով և ծրագրվել է 84,610.0 հազ. դրամի չափով՝ շուրջ 10,476.0 հազ. դրամով պակաս 2010 թվականին նախատեսված ցուցանիշից: Վարչական ծառայությունների գծով նախատեսվել է 3,346.0 հազ. դրամ՝ քաղաքապետարանում գրքերի (փաստաթղթերի) կարման ծառայությունների համար: Համակարգչային ծառայությունների գծով ծրագրվել է 25,396.0 հազ. դրամ՝ քաղաքապետարանի գույքահարկի, հողի հարկի, տեղական տուրքերի և հողի վարձակալության հաշվառման (բազայի) և գանձապետական համակարգչային առկա ծրագրերի սպասարկման համար: Աշխատակազմի մասնագիտական զարգացման ծառայությունների համար նախատեսվել է 10,868.0 հազ.

դրամ՝ ՀՀ օրենսդրությամբ նախատեսված համայնքային ծառայողների վերապատրաստման գործընթացն ապահովելու նպատակով:

Նշված ծրագրով հաջորդ տեսակարար կշիռ ունեցող ծախսը նախատեսվել է ներկայացուցչական ծախսերի համար՝ 117,700.0 հազ. դրամ՝ 31,100.0 հազ. դրամով ավել 2010 թվականի նախատեսված (ճշտված) ցուցանիշից, ինչը պայմանավորված է 2011 թվականին ֆրանսախոս քաղաքապետների ասոցիացիայի 31-րդ գագաթաժողովի՝ Երևան քաղաքում անցկացման ակնկալվող ծախսերով: Ընդհանուր բնույթի այլ ծառայությունների համար ծրագրվել է 139,762.1 հազ. դրամ, ինչը ներառում է Երևանի քաղաքապետարանի վարչական շենքի, ինչպես նաև նոր վերանորոգվող 2-րդ վարչական շենքի պահպանման ծախսերը, այդ թվում՝ մաքրման ծառայությունները, նյութերը, ընթացիկ այլ աշխատանքները և այլն: Գրասենյակային նյութեր և հագուստ ծախսերը ծրագրվել են 96,273.1 հազ. դրամ և հաշվարկվել են հիմք ընդունելով աշխատողների թվաքանակը և գործունեության համար անհրաժեշտ գույք գրասենյակային նյութերը:

Մեքենաների և սարքավորումների ընթացիկ նորոգման և պահպանման գծով ծրագրվել է 137,871.0 հազ. դրամ, որը ներառում է քաղաքապետարանի հաշվեկշռում հաշվառված ավտոմեքենաների ընթացիկ նորոգումը, իսկ կառուցվածքային ստորաբաժանումների մասով՝ նաև ավտոմեքենաների պահպանումը: Տրանսպորտային նյութերը ծրագրվել են 209,431.5 հազ. դրամի չափով և հաշվարկվել են քաղաքապետարանի ավտոմեքենաների թվաքանակով, ինչպես նաև որոշ ստորաբաժանումների առանձնահատկություններով պայմանավորված անձնական ավտոմեքենաների ծառայողական նպատակներով օգտագործման դեպքերով: Տրանսպորտային սարքավորումների գծով ծրագրվել է 131,500.0 հազ. դրամ՝ անհրաժեշտ ծառայողական ավտոմեքենաների ձեռքբերման համար: Վարչական սարքավորումների գծով ծրագրվել է 116,674.3 հազ. դրամ, որի շրջանակներում նախատեսվել է հիմնականում կառուցվածքային և առանձնացված ստորաբաժանումներն ապահովել անհրաժեշտ գույքով և տեխնիկայով: Այս ծրագրով նախատեսվել է նաև մի շարք այլ հոդվածներով ծախսեր, որոնց ծրագրավորման համար հիմք են ընդունվել ինչպես գործող օրենսդրության պահանջները այնպես էլ նախորդ տարիների փաստացի կատարված ծախսերը:

2. Վարչական օբյեկտների հիմնանորոգում ծրագրով նախատեսվել է 639,648.1 հազ. դրամ, որից 580,106.0 հազ. դրամը Փ. Բուզանդի 1/3 հասցեի շենքի արդեն իսկ սկսված նորոգման և ջեռուցման համակարգի կառուցման աշխատանքներն ավարտելու համար, իսկ մնացած մասը՝ Արաբկիր, Կենտրոն, Մալաթիա-Մեքաստիա, Նուբարաշեն և Քանաքեռ-Զեյթուն վարչական շրջանների վարչական շենքերի նորոգման համար:

3. Քաղաքացիական կացության ակտերի գրանցման ծառայության գործունեության կազմակերպման ծրագրով ծրագրվել է 41,695.6 հազ. դրամ որպես պատվիրակված

լիազորություն՝ հիմք ընդունելով ՀՀ 2011 թվականի պետական բյուջեի նախագծով նախատեսված ցուցանիշը, ինչը հավասար է 2010 թվականի հաստատված ցուցանիշին:

4. Նախագծային աշխատանքներ ծրագրով նախատեսվել է 239,444.5.0 հազ. դրամ 2012 թվականի բյուջեն ծրագրավորելիս կապիտալ ծրագրերը նախագծանախահաշվային փաստաթղթերով ապահովելու համար:

5. Երևան քաղաքի գլխավոր հատակագծի ճշգրտում ծրագրով նախատեսվել է 50,000.0 հազ. դրամ: Երևան քաղաքի գլխավոր հատակագծի պահանջներով պայմանավորված ըստ տարիների կատարված վերլուծության հիման վրա ճշգրտման համար 2010 թվականին Երևան քաղաքի բյուջեով նախատեսվել էր 110,000.0 հազ. դրամ, սակայն հաշվի առնելով աշխատանքների ծավալները 2010 թվականին կիրականացվի 60,000.0 հազ. դրամի աշխատանքներ, իսկ մնացած ծավալը նախատեսվել է 2011 թվականին:

6. Դիմումներ, հայցադիմումներ, դատարանի որոշումների և վճիռների դեմ վերաքննիչ և վճռաբեկ բողոքներ ներկայացնելիս սահմանված վճարներ ծրագրով նախատեսվել է 41,400.0 հազ. դրամ պետական տուրքերի վճարման համար՝ 4,900.0 հազ. դրամով պակաս 2010 թվականի ցուցանիշից:

7. Գույքի նկատմամբ իրավունքների գրանցման և տեղեկատվության տրամադրման հետ կապված վճարումներ ծրագրով նախատեսվել է 130,475.0 հազ. դրամ, ինչը ներառում է ինչպես Երևան համայնքին սեփականության իրավունքով փոխանցված գույքի, այնպես էլ ինքնակամ կառույցների օրինականացման գործընթացում համայնքի սեփականություն ճանաչվող գույքի գրանցման անհրաժեշտությամբ:

8. Քաղաքացիական պաշտպանությանն աջակցություն, զորակոչի կազմակերպմանն աջակցություն և զորամասերին աջակցություն ծրագրերով նախատեսվել են համապատասխանաբար 22,500.0 հազ. դրամ և 8,820.0 հազ. դրամ, ինչը պայմանավորված է գործող օրենդորությամբ նախատեսված նվազագույն և անհրաժեշտ աջակցությունն ապահովելով:

9. Գյուղատնտեսական կենդանիների պատվաստում ծրագրով նախատեսվել է 4,200.0 հազ. դրամ՝ հիմք ընդունելով ՀՀ գյուղատնտեսության նախարարության կողմից տրամադրված տեղեկատվությունը:

10. Ոռոգման ցանցի կառուցում և վերանորոգում ծրագրով նախատեսվել է 311,754.4 հազ. դրամ՝ նոր ստեղծվող կանաչ տարածքներում ոռոգման ցանցի ապահովման համար՝ հիմք ընդունելով սահմանված կարգով կազմված նախահաշվային փաստաթղթերը: 2010 թվականին այս ծրագրով նախատեսված էր 207,000.0 հազ. դրամ, սակայն ավագանու որոշմամբ պահուստային ֆոնդից հատկացվեց ևս 200,000.0 հազ. դրամ:

11. Ասֆալտ բետոնյա ծածկի վերանորոգում և պահպանում ու ասֆալտ-բետոնյա ծածկի հիմնանորոգում ծրագրերով նախատեսվել են 4,204,000.0 հազ. դրամ և 716,000.0 հազ. դրամ:

Նախատեսված ընդհանուր 4,920,000.0 հազ. դրամից 3,284,000.0 հազ. դրամը նախատեսված է ՀՀ 2011 թվականի պետական բյուջեի նախագծով որպես նպատակային հատկացում (սուբվենցիա):

12. Եզրաքարերի վերանորոգում ծրագրով նախատեսվել է 15,998.6 հազ. դրամ վթարված եզրաքարերի վերանորոգման և փոխարինման նպատակով:

13. Հեմապատերի վերանորոգում ծրագրով նախատեսվել է 104,797.4 հազ. դրամ՝ համապատասխան նախահաշվային արժեքներով: Առկա վթարային հեմապատերից ընտրվել են առաջնայինները:

14. Հետիոտն անցումների կառուցում և վերանորոգում ծրագրով նախատեսվել է 385,868.9 հազ. դրամ, որից 152,000.0 հազ. դրամը Բաղրամյան-Օրբելի խաչմերուկում ստորգետնյա հետիոտն անցման կառուցման համար, 207,868.9 հազ. դրամը՝ Ազատության պողոտայում, Դավիթ Անհաղթ, Շիրազի և Հալաբյան փողոցներում վերգետնյա հետիոտն անցումների կառուցման համար, ինչպես նաև 26,000.0 հազ. դրամ՝ առկա ստորգետնյա անցումներում վերանորոգման աշխատանքներ իրականացնելու համար:

15. Կամրջային կառուցվածքների վերականգնում և պահպանում ծրագրով նախատեսվել է 675,000.0 հազ. դրամ, որից 585,000.0 հազ. դրամը Դավթաշենի կամրջի վերականգնման համար, իսկ 90,000.0 հազ. դրամը՝ Երևան քաղաքի կամուրջների սպասարկման աշխատանքների համար: Կամրջի վերականգնման գումարը նախատեսվել է լրամշակված նախագծանախահաշվային փաստաթղթերի հիման վրա:

16. Հրազդանի կիրճի բարեկարգում ծրագրով նախատեսվել է 2,000.0 հազ. դրամ, ինչը նախատեսում է իրականացնել ընթացիկ բարեկարգման աշխատանքներ: Այս ծրագրով 2010 թվականին վերականգնվել է կիրճի ճանապարհի փլուզված հատվածը՝ 277,000.0 հազ. դրամ արժեքով:

17. Մայրուղիների և փողոցների վերակառուցում և հիմնանորոգում ծրագրով նախատեսվել է 3,728,782.6 հազ. դրամ՝ համապատասխան նախագծանախահաշվային փաստաթղթերի հիման վրա: Ծրագիրը նախատեսում է Դավիթ Բեկի փողոցի ամբողջական վերակառուցումը և բարեկարգումը, Էրեբունի և Խաչիկ Դաշտենց փողոցների տրամվայի գծերի ապամոնտաժումը և ասֆալտապատումը, Ջաբյան-Տերյան փողոցների կապի կառուցումը, «Հայաստան» հուշահամալիրից մինչև Բաբայան փողոց ճանապարհի շինարարությունը, ինչպես նաև Ծիծեռնակաբերդի խճուղու վերակառուցման 2-րդ փուլի ավարտումը:

18. Փողոցների պահպանում և շահագործում ծրագրով նախատեսվել է 40,000.0 հազ. դրամ Իսակովի, Մյասնիկյան, Աթենքի և այլ փողոցների ընթացիկ բարեկարգման աշխատանքները համայնքային կազմակերպության միջոցով իրականացնելու համար:

19. Վերելակների հիմնանորոգում ծրագրով նախատեսվել է 89,190.9 հազ. դրամ, որից 83,190.9 հազ. դրամը՝ բազմաբնակարան շենքերի վերելակների միայն կապիտալ բնույթի աշխատանքների համար, իսկ 6,000.0 հազ. դրամը՝ համատիրություններին աջակցելու միջոցով ընթացիկ նորոգման աշխատանքները կազմակերպելու համար:

20. Երևանի մետրոպոլիտենով ուղևորափոխադրումների ծառայություններ ծրագրով նախատեսվել է 1,845,000.0 հազ. դրամ սուբսիդիա որպես պատվիրակված լիազորություն՝ հիմք ընդունելով ՀՀ 2011 թվականի պետական բյուջեի նախագծով նախատեսված համապատասխան ծրագիրը:

21. Վերգետնյա էլեկտրատրանսպորտով ուղևորափոխադրման ծառայություններ ծրագրով նախատեսվել է 276,000.0 հազ. դրամ որպես սուբսիդիա «Երևանի էլեկտրատրանսպորտ» ՓԲԸ-ին, որի ծրագրավորման հիմքում ընկած է ՀՀ 2011 թվականի պետական բյուջեի նախագծով նախատեսված նպատակային հատկացումը (սուբվենցիա):

22. Վերակառուցման և զարգացման եվրոպական բանկի, Եվրոպական ներդրումային բանկի և Եվրոպական միության հարևանության ներդրումային ծրագրի աջակցությամբ իրականացվող Երևանի մետրոպոլիտենի վերակառուցման ծրագրերով նախատեսվել են ընդհանուր 8,036,543.5 հազ. դրամի ծրագրեր որպես պատվիրակված լիազորություն՝ հիմք ընդունելով ՀՀ 2011 թվականի պետական բյուջեի նախագծով նախատեսված համապատասխան ծրագրերը:

23. Դրոշների տեղադրում ծրագրով նախատեսվել է 67,000.0 հազ. դրամ, ինչը ներառում է ինչպես հատուկ օրերին քաղաքի դրոշակազարդման աշխատանքները, այնպես էլ քաղաքի տարբեր հատվածներում ՀՀ դրոշների տեղադրումը:

24. Աջակցություն համայնքային կազմակերպություններին հուղարկավորությունների հետ կապված անվճար ծառայությունների մատուցման և գերեզմանատների պահպանման համար ծրագրով նախատեսվել է 23,550.0 հազ. դրամ, ինչը ծրագրավորվել է հիմք ընդունելով ՀՀ կառավարության 2006 թվականի նոյեմբերի 23-ի հ. 1910-Ն որոշման հ.1 հավելվածի 16-րդ կետը և նախատեսվել է գերեզմանատների վրա անվճար տեղադրվող մետաղական ցուցանակների համար, ինչպես նաև Կոմիտասի անվան պանթեոնի պահպանության համար:

25. Կառավարման և տեղեկատվական տեխնոլոգիաների զարգացում ծրագրով նախատեսվել է 100,000.0 հազ. դրամ՝ «Երևան քաղաքի կառավարման տեխնոլոգիաների կենտրոն» ՓԲԸ-ին սուբսիդավորելու համար: Գումարը նախատեսվել է 2010 թվականի հաստատված ցուցանիշի չափով:

26. Աջակցություն համայնքային և ոչ համայնքային կազմակերպությունների ծրագրերին ծրագրով նախատեսվել է 140,000.0 հազ. դրամ ընթացիկ դրամաշնորհների տեսքով և հաշվարկվել է 2010 թվականի սպասվող կատարողականից ելնելով:

27. Ոչ ֆինանսական ակտիվների օտարումից մուտքեր ծրագրով նախատեսվել են մուտքեր ա) անշարժ գույքի իրացումից 7,475,987.5 հազ. դրամի չափով, որից 5,975,987.5 հազ. դրամը՝ ՀՀ կառավարության 2008 թվականի օգոստոսի 28-ի հ. 955-Ա որոշմամբ նախատեսված գործարքներից, 1,000,000.0 հազ. դրամը՝ ՀՀ կառավարության 2006 թվականի մայիսի 18-ի հ. 912-Ն որոշմամբ նախատեսված ինքնակամ կառույցների օրինականացման գործընթացում կառույցների օտարումից և 500,000.0 հազ. դրամը՝ Երևան համայնքին սեփականության իրավունքով փոխանցված և շահագործման համար ոչ պիտանի կաթսայատների և այլ գույքի օտարումից:

բ) հողի օտարումից 7,000,000.0 հազ. դրամ, որից 5,000,000.0 հազ. դրամը՝ հողերի աճուրդով և ուղղակի վաճառքով օտարումներից, իսկ 2,000,000.0 հազ. դրամը՝ օրինականացված ինքնակամ կառույցների զբաղեցրած և սպասարկման համար անհրաժեշտ հողերի օտարումից:

28. Սանիտարական մաքրում ծրագրով նախատեսվել է 3,262,400.6 հազ. դրամ, որից 3,232,845.6 հազ. դրամը՝ սանիտարական մաքրման աշխատանքների համար: Ծրագիրը նույնպես համարվել է գերակայություն և ծրագրվել է 2010 թվականի ցուցանիշից 42,611.9 հազ. դրամով ավել: Ծրագրով նախատեսված գումարից 21,000.0 հազ. դրամը նախատեսվում է որպես դրամաշնորհ տրամադրել Աջափնյակ վարչական շրջանի սանիտարական մաքրում իրականացնող համայնքային կազմակերպությանը՝ ձեռքբերված մեքենաների հետ կապված վարկային պարտավորությունների կատարման համար, ինչպես նաև 8,555.0 հազ. դրամ աղբամանների ձեռքբերման համար:

29. Գետերի հումների մաքրում ծրագրով նախատեսվել է 43,399.7 հազ. դրամ՝ ըստ վարչական շրջաններով անցնող հատվածների համապատասխան հաշվարկներով:

30. Կանաչ տարածքների հիմնում և պահպանում ծրագրով նախատեսվել է 1,367,246.0 հազ. դրամ, որից 1,032,100.0 հազ. դրամը ներառում է պահպանման ծառայությունները, նյութերը և ոռոգման ջրի արժեքը, 295,146.0 հազ. դրամը՝ կանաչ տարածքների ավելացման աշխատանքները, այդ թվում՝ 40,146.0 հազ. դրամը՝ ՀՀ 2011 թվականի պետական բյուջեից տրամադրվելիք նպատակային հատկացման (սուբվենցիայի) հաշվին, իսկ 40,000.0 հազ. դրամը՝ քաղաքի սեփականություն հանդիսացող տնկարանի պահպանման ծախսերը:

31. Ախտահանման և միջատազերծման ծառայություններ ծրագրով նախատեսվել է 39,900.0 հազ. դրամ՝ Երևան քաղաքի տարբեր հատվածներում դեռատիզացիոն աշխատանքների կազմակերպման համար:

32. Հասարակական գուգարանների պահպանում և վերանորոգում ծրագրով նախատեսվել է 4,192.6 հազ. դրամ՝ ընդհանուր պահպանման և մաքրման աշխատանքները կազմակերպելու համար:

33. Միզամարզերի ստեղծում և ծաղկապատում ծրագրով նախատեսվել է 340,000.0 հազ. դրամ՝ նախահաշվային արժեքով, ինչի շրջանակներում նախատեսվում է գազոնապատել և ծաղկապատել քաղաքի փողոցների և քաղաքի մուտքերի շրջակայքը:

34. Աջակցություն համայնքային կազմակերպություններին ջերմոցների և շինությունների կառուցման և շահագործման, մեքենաների և սարքավորումների ձեռքբերման համար ծրագրով նախատեսվել է 270,000.0 հազ. դրամ, որից 140,000.0 հազ. դրամը՝ 2000 քմ. ջերմոցի և դրա շահագործման համար գոլորշու ստացման համակարգի կառուցման, 100,000.0 հազ. դրամը՝ կանաչապատման համար անհրաժեշտ մեքենա-սարքավորումների ձեռքբերման և 30,000.0 հազ. դրամը՝ կանաչապատման մեքենաների կայանի կառուցման նպատակով:

35. Թափառող կենդանիների վնասազերծում ծրագրով նախատեսվել է 180,000.0 հազ. դրամ և հաշվարկվել է նախորդ տարիների փաստացի կատարողական ցուցանիշներից ելնելով:

36. Ինքնակամ կառույցների քանդում ծրագրով նախատեսվել է 17,250.0 հազ. դրամ այն ինքնակամ կառույցների քանդման և տաղավարների ապամոնտաժման համար, որոնք հնարավոր չէ իրականացնել կառուցապատողների հաշվին:

37. Երրորդ աստիճանի վնասվածության բազմաբնակարան վթարային շենքերի վերակառուցման, վերականգնման և ամրացման աշխատանքներ ծրագրով նախատեսվել է 350,000.0 հազ. դրամ՝ համապատասխան նախագծանախահաշվային փաստաթղթերի հիման վրա: 2010 թվականին այս ծրագրով նախատեսված է 500,000.0 հազ. դրամ:

38. Չորրորդ աստիճանի վթարային շենքերի քանդման հետևանքով բնակատարածություններից զրկված բնակիչների փոխհատուցման համար շենքերի կառուցում ծրագրով նախատեսվել է 1,750,693.0 հազ. դրամ՝ 2010 թվականին սկսված բազմաբնակարան շենքի աշխատանքները ավարտելու համար:

39. Համաշխարհային բանկի և Ֆրանսիայի Հանրապետության կառավարության աջակցությամբ ջրամատակարարման թվով 3 ծրագրերով նախատեսվել է 3,484,963.9 հազ. դրամ որպես պատվիրակված լիազորություն և ծրագրավորվել է ՀՀ 2011 թվականի պետական բյուջեի նախագծով նախատեսված ցուցանիշների հիման վրա:

40. Խմելու ջրի մատակարարման և ջրահեռացման ծառայությունների սուբսիդավորում ծրագրով նախատեսվել է 330,000.0 հազ. դրամ՝ հիմք ընդունելով Երևան քաղաքի ավագանու 07.05.2010 թվականի N 111-Ն որոշմամբ սահմանված դրույթները:

41. Արտաքին լուսավորության ցանցի հիմնանորոգում ծրագրով նախատեսվել է 325,000.0 հազ. դրամ, քաղաքի փողոցների և բակերի արտաքին լուսավորության ցանցի նորոգման համար:

42. Արտաքին լուսավորության ցանցի շահագործման և պահպանման աշխատանքներ ծրագրով նախատեսվել է 1,696,000.0 հազ. դրամ ներկայումս գործող լուսավորության

ռեժիմի պահպանման պարագայում աշխատանքների կազմակերպման համար: Ծրագիրը նախատեսված է ՀՀ 2011 թվականի պետական բյուջեի նախագծով նախատեսված նպատակային հատկացման (սուբվենցիայի) հաշվին:

43. Աջակցություն համայնքային կազմակերպություններին մեքենաների ձեռքբերման համար ծրագրով նախատեսվել է 40,000.0 հազ. դրամ՝ արտաքին լուսավորության ցանցի շահագործման համար անհրաժեշտ ավտովերելակների ձեռքբերման նպատակով:

44. «Երբաղույս» ՓԲԸ-ի շենքերի նորոգում ծրագրով նախատեսվել է 57,000.0 հազ. դրամ՝ համայնքի սեփականություն հանդիսացող և չօգտագործվող կաթսայատունը կազմակերպության համար որպես դիսպետչերական կետ վերակառուցելու նպատակով:

45. Շենքերի գեղարվեստական լուսավորում ծրագրով նախատեսվել է 50,000.0 հազ. դրամ՝ 2010 թվականին ֆասադները մաքրված և վերանորոգված շենքերը լուսավորելու համար:

46. Շենքերի և շինությունների հետազոտման աշխատանքներ ծրագրով նախատեսվել է 10,000.0 հազ. դրամ, ինչը ներառում է բազմաբնակարան շենքերի վթարայնության աստիճանի հետազոտումը և ինքնակամ կառույցների օրինականացման գործընթացում կառույցների վերաբերյալ տեխնիկական եզրակացությունների տրամադրումը:

47. Բազմաբնակարան շենքերի հարթ տանիքների վերանորոգում և բազմաբնակարան շենքերի թեք տանիքների վերանորոգում ծրագրերով նախատեսվել է ընդհանուր 568,034.1 հազ. դրամ՝ տարբեր մոտեցումներով աշխատանքները կազմակերպելու համար (աշխատանքների պատվեր, նյութերի տրամադրում համատիրություններին և այլն): Ծրագիրը շարունակական է և նախատեսվում է ավարտել 3 տարվա ընթացքում:

48. Բակային տարածքների և խաղահրապարակների հիմնանորոգում և պահպանում ծրագրով նախատեսվել է 792,201.6 հազ. դրամ՝ վարչական շրջանների կողմից 2011 թվականի համար ընտրված բակերի և խաղահրապարակների հիմնանորոգման համար: Ծրագրավորվել է ներկայացված նախահաշիվներին համապատասխան: Այս ծրագրի շրջանակներում նախատեսվում է նաև բոլոր վարչական շրջաններում կառուցել մեկական մինի ֆուտբոլի դաշտեր:

49. Վթարային պատշգամբների նորոգում և բազմաբնակարան շենքերի բարեկարգման ալլ աշխատանքներ ծրագրով նախատեսվել է ընդհանուր 730,850.6 հազ. դրամ, որի շրջանակներում նախատեսվում է ամրացնել վթարային պատշգամբները՝ ըստ ներկայացված նախահաշիվների, ինչպես նաև իրականացնել շենքերի և մուտքերի բարեկարգման, մուտքերի դռների փոխարինման և այլ աշխատանքներ՝ ինչպես աշխատանքների գնման, այնպես էլ համատիրություններին աջակցության տրամադրման միջոցով:

50. Զրային կառույցների շահագործում և պահպանում ծրագրով նախատեսվել է 276,000.0 հազ. դրամ՝ Երևան քաղաքի համայնքային սեփականություն հանդիսացող բոլոր

շատրվանների շահագործման և ընթացիկ նորոգման համար: Գումարը նախատեսվել է 2010 թվականին նախատեսված գումարի չափով:

51. Կոյուղագծի կառուցում և վերանորոգում ծրագրով նախատեսվել է 15,000.0 հազ. դրամ, որի շրջանակներում նախատեսվում է Արաբկիր վարչական շրջանում վերականգնել վթարված կոյուղագիծը:

52. Կառուցապատման ներդրումային ծրագրերի կազմակերպում ծրագրով նախատեսվել է 100,000.0 հազ. դրամ, ինչը ներառում է «Երևանի կառուցապատման ներդրումային ծրագրերի իրականացման գրասենյակ» ՀՈԱԿ-ի պահպանման ծախսերը: Նախատեսված գումարը 2010 թվականի համեմատ նվազել է 20,000.0 հազ. դրամով:

53. Կաթսայատների պահպանում ծրագրով նախատեսվել է 30,000.0 հազ. դրամ, ինչը ներառում է Երևան քաղաքին սեփականության իրավունքով փոխանցված կաթսայատների գույտ պահպանման (պահակային ծառայության նվազագույն արժեքը) ծախսերը:

54. Աջակցություն առողջապահական կազմակերպություններին բժշկական սարքավորումների ձեռքբերման համար ծրագրով նախատեսվել է 10,000.0 հազ. դրամի դրամաշնորհ, որի շրջանակներում նախատեսվել է առաջնային օդակի առաջնահերթ համարվող բժշկական սարքավորումների արդիականացում:

55. Առողջապահական օբյեկտների հիմնանորոգում ծրագրով նախատեսվել է 95,032.0 հազ. դրամ՝ համապատասխան նախագծանախահաշվային փաստաթղթերի հիման վրա և նախատեսվում է իրականացնել «Շտապօգնություն» ՓԲԸ-ի վարչական շենքի հիմնանորոգման 2010 թվականին սկսված աշխատանքների ավարտումը:

56. Սպորտային միջոցառումների կազմակերպում ծրագրով նախատեսվել է 91,773.6 հազ. դրամ՝ հիմք ընդունելով նախորդ տարիներին իրականացված և 2011 թվականին սպասվող միջոցառումների քանակն ու ծախսերը:

57. Հանգստի գոտիների և զբոսայգիների կառուցում ու պահպանում ծրագրով նախատեսվել է 463,760.0 հազ. դրամ, որից 423,760.0 հազ. դրամը՝ Աջափնյակ, Մալաթիա-Սեբաստիա և Շենգավիթ վարչական շրջաններում հանգստի գոտիների և զբոսայգիների (խաղահրապարակներով) կառուցման նպատակով, իսկ 40,000.0 հազ. դրամը՝ Միրահարների զբոսայգու պահպանման համար:

58. Հեծանվահրապարակի կառուցում ծրագրով նախատեսվել է 5,975,987.5 հազ. դրամ, ինչը բխում է ՀՀ կառավարության 2008 թվականի օգոստոսի 28-ի հ. 955-Ա որոշմամբ նախատեսված գործարքից:

59. Գրադարանային ծառայություններ ծրագրով նախատեսվել է 261,359.9 հազ. դրամ՝ Երևանի համայնքային գրադարանային կազմակերպություններին սուբսիդիա տրամադրելու համար: Գումարը ծրագրավորվել է 2010 թվականի նախատեսված (ճշտված) ցուցանիշի չափով:

60. Թանգարանային ծառայություններ և ցուցահանդեսներ ծրագրով նախատեսվել է 193,656.1 հազ. դրամ՝ Երևանի ենթակայության թանգարանների պահպանման համար ՀՀ 2011 թվականի պետական բյուջեի նախագծով նախատեսված նպատակային հատկացումների հաշվին:

61. Համայնքային մշակույթի և ազատ ժամանցի կազմակերպում ծրագրով նախատեսվել է 94,834.9 հազ. դրամ՝ Երևանի ենթակայության մշակույթի տների պահպանման համար:

62. Մշակույթի տների հիմնանորոգում և վերանորոգում ծրագրով նախատեսվել է 100,000.0 հազ. դրամ՝ մշակույթի տների ջեռուցման համակարգերի կառուցման համար:

63. Մշակութային միջոցառումների իրականացում ծրագրով նախատեսվել է 376,245.8 հազ. դրամ, որի հաշվարկման հիմքում ընկած է 2010 թվականի նույն միջոցառումների համար սպասվող կատարողականը:

64. Կենդանաբանական այգու ցուցադրություններ ծրագրով նախատեսվել է 194,637.7 հազ. դրամ՝ «Երևանի կենդանաբանական այգի» ՀՈԱԿ-ի սուբսիդավորման համար՝ ՀՀ 2011 թվականի պետական բյուջեի նախագծով նախատեսված նպատակային հատկացումների հաշվին:

65. Կենդանաբանական այգու հիմնանորոգում ծրագրով նախատեսվել է 50,000.0 հազ. դրամ: 2007 թվականից առկա են ամբողջական հիմնանորոգման նախագծանախահաշվային փաստաթղթեր, սակայն 2010 թվականին դրանք վերափոխվեցին, և աշխատանքները նախատեսված են 2011 թվականին:

66. Երաժշտարվեստի և պարարվեստի համերգներ ծրագրով նախատեսվել է 69,938.3 հազ. դրամ՝ Երևանի ենթակայության համերգային կազմակերպությունների սուբսիդավորման համար: Գումարը ծրագրավորվել է 2010 թվականի հաստատված ցուցանիշի չափով:

67. Թատերական ներկայացումներ ծրագրով նախատեսվել է 246,016.8 հազ. դրամ՝ Երևանի ենթակայության թատրոնների սուբսիդավորման համար, որից 236,016.8 հազ. դրամը ՀՀ 2011 թվականի պետական բյուջեով նախատեսված նպատակային հատկացումների հաշվին:

68. Հուշարձանների վերանորոգում և պահպանում ծրագրով նախատեսվել է 40,024.3 հազ. դրամ այն հուշարձանների նորոգման և պահպանման համար, որոնք ընդգրկված չեն պետական պահպանության ենթակա հուշարձանների ցանկում:

69. Անդամակցության վճարներ ծրագրով նախատեսվել է 16,000.0 հազ. դրամ՝ հիմք ընդունելով 2010 թվականի փաստացի վճարումները:

70. Նախադպրոցական ուսուցում ծրագրով նախատեսվել է 3,590,620.0 հազ. դրամ: Հաշվարկների հիմքում դրվել է 1 երեխային ամսական ուսուցման (պահպանման) ծախսերի միջին ինքնարժեքը, որը ծրագրավորվել է 18.0 հազ. դրամի չափով, ինչպես նաև յուրաքանչյուր ՀՈԱԿ-ի պահպանման ծախսերի համար ամսական 250,0 հազ. դրամ, իսկ

բյուջեից հատկացումները նախատեսվել են հաշվի առնելով յուրաքանչյուր ՀՈԱԿ-ի կողմից մատուցված ծառայությունների համար գործող վճարները և երեխաների փաստացի թվի վերաբերյալ կանխատեսումները:

71. Հանրակրթական ուսուցում, հատուկ կրթություն, ներառական կրթություն, երեկոյան ուսուցում, նախնական մասնագիտական կրթություն և նախնական մասնագիտական կրթություն ստացող ուսանողների կրթաթոշակ ծրագրերով նախատեսվել է 12,387,899.2 հազ. դրամ՝ որպես պատվիրակված լիազորության ՀՀ 2011 թվականի պետական բյուջեի նախագծով նախատեսված ցուցանիշներով և հաշվարկվել է օրենսդրությամբ սահմանված ընթացակարգերով: 2010 թվականի համեմատ նվազումը պայմանավորված է ավագ դպրոցները ՀՀ կրթության և գիտության նախարարության ենթակայության տեղափոխելու հանգամանքով:

72. Արտադպրոցական դաստիարակություն ծրագրով նախատեսվել է 1,500,298.3 հազ. դրամ, ինչը հիմնականում ներառում է Երևանի ենթակայության երաժշտական, սպորտի և արվեստի դպրոցների սուբսիդավորումը: Նշված ծրագիրը ներառում է նաև թվով 2 սպորտ դպրոցների պահպանման ծախսերը, որոնք նախատեսվել են ՀՀ 2011 թվականի պետական բյուջեի նախագծով նախատեսված նպատակային հատկացումների հաշվին:

73. Արտադպրոցական կազմակերպությունների հիմնանորոգում և վերանորոգում ծրագրով նախատեսվել է 150,000.0 հազ. դրամ՝ Երևանի ենթակայության երաժշտական և արվեստի դպրոցները ջեռուցման համակարգերով ապահովելու նպատակով:

74. «Հակոբ Կոջոյան» կրթահամալիր ՊՈԱԿ-ում արտադպրոցական դաստիարակության կազմակերպման ծրագրով նախատեսվել է 6,474.0 հազ. դրամ՝ որպես պատվիրակված լիազորություն՝ ՀՀ 2011 թվականի պետական բյուջեի նախագծի հիման վրա:

75. Նախադպրոցական հաստատությունների հիմնանորոգում և վերանորոգում ծրագրով նախատեսվել է 1,731,616.7 հազ. դրամ, որի շրջանակներում նախատեսվում է ջեռուցման համակարգեր կառուցել 2010 թվականին չիրականացված թվով 12 մանկապարտեզներում, ինչպես նաև իրականացնել թվով 13 մանկապարտեզների ամբողջական հիմնանորոգում:

76. Վարձատրվող հասարակական աշխատանքներ ծրագրով նախատեսվել է 49,644.0 հազ. դրամ և հաշվարկներն իրականացվել են ՀՀ աշխատանքի և սոցիալական հարցերի նախարարության տրամադրած հայտերի հիման վրա:

77. Սոցիալապես անապահով ընտանիքների երեխաների հանգստի կազմակերպում ծրագրով նախատեսվել է 3,000.0 հազ. դրամ և հաշվարկվել է նախորդ տարիների փաստացի կատարված նմանատիպ ծախսերի հիման վրա:

78. Հարազատ չունեցող անձանց և սոցիալապես անապահով ընտանիքների համար հուղարկավորության կազմակերպում ծրագրով նախատեսվել է 31,348.0 հազ. դրամ և հաշվարկվել է 2010 թվականի հաստատված ցուցանիշի հիման վրա:

79. Սոցիալապես անապահով ընտանիքներին տոնական օրերին աջակցություն, սոցիալապես անապահով անձանց աջակցություն և հասարակական կազմակերպություններին աջակցություն ծրագրերով նախատեսվել է 260,346.5 հազ. դրամ և հաշվարկված է հստակ ծրագրային մոտեցումներից՝ բնակչության առանձնացված խմբերի աջակցության միջոցառումներից ելնելով:

80. Սոցիալական օգնության ծառայությունների գործունեության կազմակերպում ծրագրով նախատեսվել է 207,505.8 հազ. դրամ որպես պատվիրակված լիազորություն՝ ՀՀ 2011 թվականի պետական բյուջեի նախագծով նախատեսված ցուցանիշների հիման վրա:

Երևան քաղաքի 2011 թվականի բյուջեի նախագծով նախատեսվում է 2,500,000.0 հազ. դրամի չափով պակասուրդ, որը կֆինանսավորվի տարեսկզբի ազատ մնացորդի հաշվին: Տարեսկզբի ազատ մնացորդը կանխատեսված ցուցանիշ է, որը կճշգրտվի 2010 թվականի բյուջետային տարվա ավարտից հետո: Սիաժամանակ 2010 թվականի բյուջետային տարվա ավարտին բյուջետային պարտքեր չեն նախատեսվում:

Այսպիսով Երևան քաղաքի 2011 թվականի բյուջեի նախագիծը առաջարկվում է հաստատել.

1. եկամուտների գծով՝ 55,796,447.9 հազ. դրամ,
2. ծախսերի գծով՝ 58,296,447.9 հազ. դրամ,
3. դեֆիցիտը (պակասուրդը) 2,500,000.0 հազ. դրամ:

ԵՐԵՎԱՆԻ ՔԱՂԱՔԱՊԵՏ

Գ. ԲԵԳԼԱՐՅԱՆ